

GAUDEO



PAULUS



407

h



John Carter Brown.




2/27



John Carter Brown







21

822

EPITOME RERVM GESTARVM  
in India a Lusitanis, anno superiori, iuxta exem-  
plum epistolæ, quam Nonius Cugna, dux Indiæ  
max. designatus, ad regem misit, ex vrbe Cas-  
nanorio, IIII. Idus Octobris. Anno,  
M. D. XXX.  
Auctore Angelo Andrea Resendio Lusitano,

Louanii apud Seruatium Zassenum, Anno  
M. D. XXXI. Mense Iulio. Ad si-  
gnū Regni ccelorum,

J. P. Vandevelde







EPITOME RERVM GESTARVM  
 in India a Lusitanis, anno superiori, iuxta exēplū  
 epistolæ, quam Nonius Cugna, Dux India max,  
 designatus, ad Regem misit, ex vrbe Cana-  
 norio. IIII. Idus Octobris, An.  
 M. D. XXX.

RESENDIVS LVSITANVS  
 Conrado Goclenio viro præstantiss. S,

**P**ETIS Conrade Gocleni, vt exemplū  
 epistolæ missę ad Regem Lusitaniæ de  
 iis, quæ nunc recens ad rubrū mare ge-  
 sta sunt, latinum faciam. Petis tu quidem, sed is  
 petis, qui mihi & iubere, & imperare potes. Equi-  
 dem latinum faciā, grauate tamē, facturus minis  
 me, nisi tu, cui multū debeo, iuberēs. Nam vt sile-  
 am de humilioribus Lusitanorū victoriis in In-  
 dia hanc fuisse vnam, nec præ cæteris dignā quę  
 oīm prima vulgo ederet, duabus aliis ratiōibus  
 merito ab hoc faciendo abstinere. Primo, quod  
 nostræ gentis ingeniū adeo præposlere verecun-  
 dum sit in commendandis rebus a se bene gestis,  
 vt pudeat referre, aut si referant, bona pars inde  
 A ii decida



## EPISTOLA DE

decidatur ab hominibus conscientia benefactorum domi suæ contentis, ne etiam ea foris prædicent. Deinde, quod epistola hæc nō tam fuit narratio rerum gestarū, q̄ epitome. Multo illi melius, qui si quid prospere egerunt, verbis cōmendare, & adaugere curant, & scriptis editis orbē conscium, posteritatēq; facere rerū suarū. Quod nō laudare, non possum. Consulitur enim historiæ, nisi modestiā excederet, & supra q̄ res habeat nimia adfectione cresceret commendatio. Nosti, tametsi dissimulo, quos nam intellegam. Cogor autē in hac epitome historicū potius agere, quā alienæ interpretem epistolæ, vt interim topographiæ ratio haberetur. Magna eī voluptatis pars adcesserit, si, quo res gesta sit, ob oculos quasi ponatur. Nam qui epistolā misit, historiam nō condebat, atq; ob id, de hoc minimū sollicitus fuit, quum scriberet ad regem locorū peritum, quod tametsi non esset, habet tamen qui terræ sitū nō ex libris modo, verum etiā experientia quotidiana didicerunt. Regum nosti delicias, & aulicorū ambitionem. Circumstant, digito ostendunt, tum demum beati, quum interrogātur, & respōdent. Scribā igitur bona fide, quod exēplo ipsius epistolæ Nonii Cugnæ ducis Indici cōpertū habeo.

Narra



REBUS INDIAE  
NARRATIO

Quum a Lusitanorū rege Ioanne, eius nominis  
tertio, Nonius Cugna nobili & antiqua familia  
prognatus, Indiæ dux maximus designatus esset,  
classe electissimo milite stipata, ab Vlissipone sol  
uit abhinc fere triennium, Vbi Cananoriū regiā  
Arianorum urbem, ad Agaricū sinum peruenit,  
quāuis iussu regis constituerat expugnare Diū,  
quum potentissimā, tum superbis, urbem regni  
Cambaia, quo nomine nūc Carmania vltior,  
& pars Arianæ adpellatur, tamen Indorū nōnul  
lis rebellantibus, & infestantib, vtrumq; maris  
rubri sinum Turcis, & Rhomæis, optimū ratus  
est, si eos motus prius pacaret, Rhomæi vero vo  
cantur partim Turcæ, partim Veneti, & Christi  
ani transfugæ, colluies sceleratorum hominū,  
Vnde adparet Rhomæorū nomen græca consue  
dine penes istos, quoniā Romani sint sanguinis,  
mansisse, Audiuius elapso anno famā victoriæ  
Nonii, bello nauali, contra Turcas & Rhomæos  
quam ego quidem libentius exponerem tanq̃ spe  
ciosiorem, Nam vt de illa nihil aliud dicerē, quā  
quod est verissimū, Superiore æstate terrifico &  
insolito cymbalorū sacrorum strepitu commotā  
fuisse Antverpiam, quū tamen eius nihil interes  
set aliud



# EPISTOLA DE

set aliud, q̄ amicæ gētis gratulari victoriis, ex huiusce rei nouitate, illius coniectari licet magnitudinem. Ea res permagna sit oportet, quæ exterorum calculis & iudicio cōprobat̄. Verū quoniā nec tu illam antiquatā fere petis, nec nos, præterquam summam, cōpertam habemus, ad recens tiora gesta festinabit calamus. Eo ipso anno Nonius Cugna dux max. designatus, Antonium Siluæriam, Diodocum Siluæriam, Hectorē Siluæriā, quorū hæc victoria tota est, in diuersa Indiæ loca misit. Antonium, vt eā Arianae oram, quæ a Cananorio protenditur per sinū Agaricū, Chaulium urbem, quaq; Indus exoneratur, sinū Canticolpum, quem nostri Cambaiæ vocant, præternauigaret, atq; incenderet vrbeis & oppida litoralia, modo alterum eius sinus promontorium, qua Diū sita est, nō attingeret. Is cōscensa classe quinquaginta nauigiorū, quorum quadriemes erant duæ, actuariæ naues totidem, cæteræ liburnicæ, & phaseli quidā non maiores multo fluuiaticis lembis, Indi caturēs vocāt, profectus est. Secū nō plureis nōgentis viris Lusitanis habebat. Quoniā vero huius oræ celebriora oppida magnitudine, populo, diuitiisq; sunt Surrate & Reineliū, vtrinq; sita in altero illius Cambaiæ sinus promonto.



## REBUS INDIAE

promontorio, super flumen nō magnum, nec certū habeo sit ne aliquod ex Indi fluminis hostiis, hæc primū adortus est. Cauens tamen vadofum flumen, habilioribus tantum nauigiis intrauit. Iam ipsemet præiuerat celeri cata scopio, & iacta bolide aquæ profunditatē pertenta uerat. Vt peruentum est Surrate, quod vi. mil. p. distat ab hostio introrsus per flumen, aut potius æstuaria angusta, quorum magna pars maris refluxu, siccat, urbem oppugnare cœperūt. Quæ quoniam a Baneanibus, quod hominū genus Pythagoricam, de non obcidendis animalibus, disciplinam pertinaciter adeo seruat, vt ne pediculus quidē obcidere sibi licere paret, et mercatoribus habitabat, magis q̄ cetera, nō diu durauit oppugnatio, cedentibus & fugiētibus incolis relicta vrbe. Nostrī quum inibi māssissent, postridie eius diei incēderūt urbem, arsitq; ad solum vsq;. Interim maris adcessiōe parāt milites inuadere Reineliū ferre e regione in alio litore sitū, flexus tamen fluuii facit vt distet duo mil. p. a Surrati. Erat vero ea vrbs, vt fertur, totius regionis nobilissima. Nulli heic Pythagorici Baneanes habitabant, aut imbelles viri, verum Machometani Naiteæ, omnium Cambaia populorum bellicosissimi. Siquādo



## EPISTOLA DE

do enim terræ eius rex classem pararet, numeros-  
siorem electioremq; militum manū, ex hac vrbe  
colligebat. Viderāt n̄ Surratis oppugnationē, &  
incēdium, atq; interea se ad vrbis suæ tutelā sedu-  
lo comparauerāt. Primum omnia capita viarū,  
compita, & tribus fortissimis caudicibus, & tabu-  
latis munierāt, exteriora vallo, & tormētis æneis,  
tum ad arcendam portu nostrorum classem, tor-  
mentorū numerum ingentem ordine conlocave-  
rant. Ad hæc equites, supra quadringentos, præ-  
ter peditatū, sub ipsa vrbe iactu fere arcus chaly-  
bei, tanq̃ prælium, vt videbatur, cōmissuri, in or-  
dine quisq; suo præstolabātur. Iam nostri adpro-  
pinquabant vrbi, quum tormētis æneis excepti  
sunt, adeo crebris, vt miraculo reputetur intacta  
ab his nauigia fuisse. Profuit nō parū esse omnia  
biremes, & liburnicas, quas ferrei globi a bōbar-  
dis emissī trāscēdebant. Prohibiti ergo ea parte  
litus prendere, quum equitatum, qui sub vrbe in  
planicie erat receptū in urbem vidissent, illuc im-  
pingētes egressi sunt, frustra iam barbaris prohi-  
bentibus. Cœpere itaq; vallū & caudices oppu-  
gnare, nam hæc tātum pro muris erāt, sed tormē-  
torum vi, & vndiq; cōcurrente barbaro arceban-  
tur strenue, donec crescente nostris indignatione  
globo.



## REBUS INDIAE

globo impetuosius adunato, in urbē irruptū est. Cæsi eo cōgressu ex barbaris quadraginta. Cæteri terrore hostis intra mœnia recepti, præsidio fugæ seruati sunt. Atq; grassantibus per urbē pauci restiterunt, pauci quoq; inuenti, qui gladio obcūbere digni essent. Manserunt ibi milites eo die, dum deprædarentur urbem. Nec mercibus quæ oneri classi essent, manus adiecerūt, licet passim inuenirent domos plenas cupro, ebore, & similibus, quorū ingentem copiā, si capaciora fuissent nauigia, secum vexissent. Inuenta tormenta plurima ænea, p̄ter ea, quæ ante cōmemorauimus, atq; adeo ubiq; maxima copia vasorū fictilium, quæ porcelania vocant, aliarūq; merciū Chinesium. Nam his præcipue cū regno Chinæ cōmercium erat. Domus plæræq; adfabre ædificatæ & expolitæ opere pulcherrimo, lecti quoq; aurati, indicia nobilitatis ciuiū. Ad hæc inuenta multitudo falconū auratis capitīs, ad auīū venationem, cui rei terra est aptissima. Est enim plana adeo, vt Scallabitani agri, quos adluit Tagus in Lusitania, nec gleba minus fertilis. Gignit præcipue triticū & oryzam. Igitur oneratis nauigiis ex æneis tormentis, selectissimis quibusq; reſeruatis, cæteris in fluuiū, vbi pfundior erat vorago, sub-



# EPISTOLA DE

mersis, quū milites adhuc a p̄da minime quiesce-  
rent, veritus dux Antonius Silueria ne natate nō  
possent in æstuario vadoso urbē incēdi iussit, nec  
discessit, donec in cineres redacta est. Combustæ  
sunt etiā multæ naues onerariæ, & gauli, quæ na-  
uigia Indi zambuccos vocant, præter eas naueis,  
quæ in Surratis euersiōe cōbustæ fuerant, quæ  
nōnullæ refertæ erant mercibus, aliæ vacuæ. In-  
cussit ea res terrorē regioni maximū. His ita ge-  
stis, nostri æstuarium ad naueis egressi sunt, atq;  
inde præterlegentes orā Chauliū versus, venerē  
Damonīū oppidum ingens super æstuariū & flu-  
uium nō magnū, nobili & fortissimo castro. Mu-  
rus latus erat pedes octo, quadratus, singulæ tur-  
res, in angulis singulis, intus cisterna aqua plena.  
Ibi etiā maioribus nauigiis extra relictis, cū bire-  
mibus & liburnicis ingrediuntur. Obcurrit autē  
nemo. Siquidem incolæ vt nostros instare rescī-  
uerunt, ex iis qui Surrati & Reinelio fugerāt, de-  
serto & ipsi oppido, fuga vitæ consulere. Quare  
otiosius ibi res acta fuit. Primū arietibus cōcussē  
valuæ castri, fortes quidem & ferratæ, vt autē ne  
minem inesse intus senserūt, versa manus est ad  
dirutionē, exustionemq;, donec oīa solo æquaren-  
tur. Nōnullis etiā nauibus & gaulis admotus est  
ignis



## REBUS INDIAE

ignis, ingenti præterea copiae caesae materiae, quæ in portu inuenta est. Par fortuna fuit oppidi alterius, & pagorum complurium in eodem æstuario. Navis ite magnitudinis pulchritudinisq; eximie cui in ora ædificatae iam iā summa imponebatur manus, exusta est. Egressi inde inuadunt in eadē ora urbē Gasnyiam sitā in hostio fluminis alterius & æstuarii. Ea cingebat vndiq; cœnosis æstuariis, & sudibus denso aggere, nili ea parte qua fluuio imminebat, parte ite alia, qua exitus angustus patebat in cōtinentē. Hec stabant in armis equites CCCC. sub ipsam urbem, peditum vero quinq; milia, suis stationibus ad tutanda mœnia distributi erant. Dux non cōmisit vt classis male tuto flumine ad urbem accederet, sed sexto ab urbe stadio litus prendit, atq; ibi partitus milites, CL. in cunco cōlocavit, ipse cum reliquis in acie effigiem cornuū referebat potius, q̄ vere præstabat. Mixtus cuneus est equitatuī, & aliquādiu varie pugnatū, tādē cesserunt barbari. Ceciderūt eo primo congressu ex equitibus XV. ex nostris autē quinq;. Nostri dum fugiēteis insequuntur, eodem impetu in urbem irruerūt. Quem impetum quū non ferret peditatus, terga etiam dant, & per eam portam, per quam in cōtinentem exis-



## EPISTOLA DE

tur, fuga seruati sunt, Obcisi & capti sūt vīri CC. Vrbs tota incensa & euerfa, Naues similiter cōplures, & gauli, partim cæsa materia, partim annona aliisque rebus onerati, Hæc p̄ter, multa alia oppida & pagos incenderunt eodem litore, est enim regio frequēs, sed quoniam minus hæc sunt insignia, nec nos quoque referemus, Summa nauium combustarū, & gaulorum, CCC, quarū complures oneratæ mercibus, nonnullæ annona, hæc Diū, illæ ad Arabicum sinū nauigaturæ erant, In partem Lusitaniæ regis præter alia, cesserūt, captiui numero CLX, viri remigio strenui, His peractis nostri ad nauigarūt in insulam Bazaim in eodē tractu, vt illic dulciores aquas classi prouiderent, exigerentque tributa Bandaratii, Tanæ, & Carangiæ, urbium, quas Hector Siluæria tributarias fecerat. Atque hic quidem Antonii Siluæriæ per eam oram excursus.

Nunc ad Diodocum properādum, cui data erat puincia arcendi hostis ab ea ora quæ a Cananorio ad extremum vsque Narsingæ promōtorium excurrit, Tractum siquidem illum Arianorū, qui in oceanum longo se ductu insinuat, Narsingam nostra ætas adpellat, Crescit enim in eo promontorio piperis magna copia ad opidum Cailen, &  
cogno



## REBUS INDIAE

cognominem fluvium, atque inde inuehitur a Rhomæis & Turcis Mecham, & Alexandriam, & Venetias. Quin & reportandarum mercium aliarum gratia, indigenæ ipsi exportant. Omnium vero maxime, quidam semiregulus mercatorum Indiae potentissimus, Chetinus illic vocatur. Is in Mangalorio oppido, non procul a Cananorio urbe regia, castrum habebat super mare, ædificiis, viris, armis, tormentisque munitum. Infestus nostris, Turcis amicus, ad quos naueis suas aromatis oneratas mittebat quotannis. Quod ut ne fieret, cauere volens Nonius Cugna, Diodocum classe mediocri obseruare iussit oram Cales, ut quum Rhomæorum classis egrederetur, illi obcurreret. Quæ quoniam aliquanto plusculum morabatur egredi, receptis a Nonio literis, Diodocus Mangalorium contendit. Quo perueniens ad vii. Calendarum Aprilium, quia portu arcebatur multitudine sagittariorum, & funditorum castrum tuentium bene ordinata statione, & bombardarum fragore terribili, duobus fere passuum milibus ab oppido, iactis ancoris egressus est cum viris CCXL. quorum CXX. æneis machinulis, vulgus sclopetas adpellat, utebantur. Oppidani, castro, ut arbitrabantur, viris & tormentis probe munito,

ipsum



## EPISTOLA DE

ipsum oppidum caudicibus cōtextisq; trabibus,  
& tormentis tutabantur. Nec eo contenti, egressi  
statione, excipiunt venienteis. Incruduit prēlium  
aliquanisper in campo, sed vrgentibus nostris,  
illi nonnullis cæsis, pluribus vulneratis, ad statis-  
onem se recepere. Vnde tormentorum magister  
quum ignem adhibere, & iaculari medicaretur,  
Lusitano quopiam serpentinā aeneam exar-  
mante, ictus interiit. Commodum ergo præbita  
obcasione nostri irrumpunt in oppidum, prædan-  
tur, euertuntq; singula, atq; adeo subcessu felici  
adrecti animis ad castrum oppugnandum adcin-  
guntur. Illud quidem fori muro cinctum erat,  
tum per murorum minas lapideæ quædam mār-  
siunculæ exterius prominentes, vnde sagictis, ves-  
ruttis, serpētinis, faxis, plenisque ollis nitri tormen-  
tarii adhibito igne, nostros arcebāt strenue. Nec  
nostri segnius, pars machinulis æneis impetere,  
pars molareis fustibalis cōtorquere, alii scalis cō-  
tendere in murum, infringere alii portas arietis  
bus, donec barbari desperatis rebus, in flumen se  
saltu deicientes, nando pars euaserunt, pars in-  
tus cæsa est, perfractis iam foribus, alii præobcu-  
pati a liburnis, & phaselis iam adpropinquantis  
bus in ipsis vndis occisi sunt, inter quos ipse Che-  
tinus.



## REBUS INDIAE

tñus caſtri dominus. Capta ſunt in caſtro, & in  
 ſtatione illa oppidana, LX, ænea tormenta, Caſ-  
 ſtrum refertum erat cupro, corallio, hydrargy-  
 ro, pannis coccineis, & ſericis heteromallis, quos  
 vulgus villuros adpellat, quæ a Mecha inuehe-  
 bantur, Erant & aliæ merces quam plurimæ, co-  
 pia nitri tormētarii, adhuc annonæ, cæterorumq;  
 victui neceſſariorum. Ex quibus oneratis navi-  
 giis, quum capacitas non vltra permetteret, &  
 adhuc præda non temperarent milites, Diodo-  
 cus receptis ad nauigia tormētis, iuſſit oppidum  
 & caſtrum incendi, Ea vero pars muri quæ ſuper  
 mare erat lapide quadrato quum igni reſiſteret,  
 tormentis diruta eſt. Combustæ ſunt in portu o-  
 nerariæ naues XIII, Ex Luſitanis vulnerati ſunt  
 nōnulli, deſideratus nemo. Hoc quidem factum  
 maximam in India Luſitanorum rebus commo-  
 ditatem attulit. Nam ſemiregulus iſte indies fie-  
 bat ſuperbior, & notior diuitiis, & potentia, &  
 quotannis Mangalorii Rhomæis onera dabat,  
 aut ipſe naueis ſuas pipere onerabat in Mechā,  
 Iam Malabares Indi, in illum ſacram figebant  
 ancoram. Quo ſublato, fracti animis a nouis  
 motibus temperant,

Post hæc



## EPISTOLA DE

Post hæc Diodocus Cananorium rediit, atq; nauigia exonerabat, quum egreditur classis Callicutii oryzam inuectura. Erant autẽ LX. naues, quas Indi paroos vocant, nobis parones sint latino nomine. Obcurrit illis Diodocus biremi vna, liburnicis sex, non enim exonerata erant nauigia cætera. Quoniam vero reflabat Diodoco ventus obciduus, quo insequi cogeatur eos, quibus notus flabat p̄sperior, quantum licuit tonstrarum remigio adcessit, tormentisq; submersit parones sex, alii nonnulli bombardarum ictibus semĩ fracti & hiantes, plures intacti euaserunt. Vna ex liburnicis quæ biremẽ remigio anteuenterat submersa est. Nam quum Malabares Callicutii harpagonem in eam iam iniicerent, & vellet retro uerti, oppressa a maioribus nauigiis, receptoq; intra se mari, obruta fuit. Perierunt in vndis VI. aut VII. viri, qui a sociis seruari nequierant. Iohannes quoq; Siluæria, frater Diodoci, saxo tormentario a paronibus eiaculato vulneratus est, ac curatus. Sic euasit classis Callicutia a nostris reflante. Diodocus vero Cochinum ad ibi hyemandum petiit.

Hector Siluæria XII. Cal. Ianuarii, Goa, nobili ultra Chaulium vrbe, p̄fectus Syagrum extimũ  
p̄mon



## REBUS INDIAE

pmontorium Eudæmonis Arabiae, cum quatuor longis nauibus, duabus celocibus, quas Lusitani carauelas vocant, liburnicis quatuor, atq; in his viris DC. Eoq; præterito, Zocotoram insulā in Azanio mari attingit, caussa aquæ dulcis recipiendæ. Cæteræ, quando nos etiā litus mouet locor, distat ea insula a Syagro pmōtorio CCLXXX. mil. p. Plinio auctore, veteribus Dioscuriada nominata. Inde classem diuisit ī parteis ante ipsum sinū, ne Turcarū classis egredi ingredive, nisi uisa a nostris posset. Hec quū sic classis sparsa præternauigaret, fortissima quædam Chetini nauis, quā superstes adhuc e Mangalorio Mecham miserat pipere, gariophylo, cynamommo, zinzibere, nuce myristica, & macere oneratam, Hectori obuiam fit. Hæserunt missis vtrinq; harpagonibus, atq; pulchre ab aliis defensa diu, impetita ab aliis. Sed præualentibus nostris capta est, obcisus quotquot in ea erant. Quo factum est, vt toto eo anno nihil quicq; piperis per Arabici sinus angustias inuectum sit. Habuit præter hanc, nō paucas prædas alias, sed minutiores q̄ vt referre libeat. Non pigeat tamen & hoc memorare. Nauem quādam Dio profectam, refertamq; viris albis, aliisq; Pellaconensibus, quum cōspicatus esset Mar-



# EPISTOLA DE

fet Martinus Caster, nauarchus longæ nauis, cui  
 nomen D. Hieronymus, adhæsit iacto harpago-  
 ne, atq; ipse primus oīm ingressus est, aliis sequē-  
 tibus, Præliū diu anceps, & nauis strenue adeo des-  
 fensa, vt ipse Martinus Caster & X aut XII Lusi-  
 tani alii a Turcis obcisi sint. Nauis tñ sat plena di-  
 uitiis, capta est, & viri ad vnū obcisi. Nec carue-  
 runt suis prædis alia nauigia, sparsa, sed nos cele-  
 briora recēsemus. At vero quoniā Diensis & Cā-  
 baiensis classes, adcepto nostrarū nauium nūcio,  
 egredi nō audebant, Hectoris Siluæriæ classis in  
 insula Mete siue Barbara, vt Ptolemæus vocat,  
 sinus Trogloditici, cōgregata est, vbi in fine præ-  
 darū dulces aquæ Nonii Cugnæ præcepto prouis-  
 dende erant. Ab eo etiā institutum fuerat, vt He-  
 ctor inde nauigaret Adenam e regione sitā in Eu-  
 dæmone Arabia, & si quas naueis, gaulosve in-  
 ueniret maioris æstimationis momēti ve caperet,  
 tentaret præterea vellet ne rex parere, & tributū  
 soluere regi Lusitanorū, obcasioneq; quācunq;  
 tempus offerret, raperet. Est autē Adenā, siue vt  
 a nostris hominibus dicit̃, Aden, vrbs regia felix  
 cis Arabiæ, nō pcul a Posidio p̃montorio, paulo  
 exterius, q̃ vbi Ptolomæus Saninā urbem ponit,  
 non tā magnitudine, q̃ natura & operibus muni-  
 tissima



## REBUS INDIAE

tissima. Magnitudo quidē, citra lariū est sex milia, ut adcepi, verum tribus partibus altissimis clauditur iugis, & perpetuis, solumq; auibus persuiis. Ipsa inter iuga montis, ut coniectamus, Carbathrae, quoad conuallis qua sita est permittitur, extenditur, atq; ob malignius spatiū, quod in latitudine crescere negatur, ædium celsitudine, & viarum angustia compensat. Nam ædes Vhsiponensi modo illic exstruuntur. Iam ad mare, qua parte solum oppugnabilis est, muro, & castris ad miraculum fortibus ambitur. Cæterum quia in cōtinentem nullibi patebat exitus, mons a summo iugo ad radicem vi discissus est in gurgitis angusti modum, turribus, & ferratis portis emuniti. Habet intus cisternas complureis, ingentem vnā extra muros ad latus, quam domum aquæ vocāt. Aqua camelis importat' quotidie. Estq; dies, quo camelorum duo milia, mille & DC. mille & quingētos numerare quis possit. Hi si interdiu veniunt, intus in vrbe exonerant'. Sin nocte, in illa exteriori cisterna, quoniā clausis murorum portis quemquam ingredi non licet, aut egredi. In summa, talis vrbs est, ut toti mari rubro, siue Arabico sinui, possit facile dominari, ipsaq; negante nulla classis eius maris



# EPISTOLA DE

angustias penetret, Quare nostri iam olim hanc  
frustra pertentarent, expugnauerunt semel duce  
Alphoso Alboquerco, sed excedere coacti sunt,  
urbis viribus se integrantibus, Sed ad narratio-  
nem reuertamur, Hector Siluaria a Mete insus-  
la prædas milit Mascaten oppidum situm in pro-  
montorio Corodamo, altero sinus perfici, Nam  
huc se venturum ex Adena sociis declarauerat, Pro-  
fectus igitur a Mete peruenit Adenam nonis As-  
prilibus, Vbi iactis ancoris, regii nuntii aduen-  
runt aduentui eius gratulatum, adferentes ad na-  
ueis boues & arietes multos, frugumque copiam, re-  
gio munere, Atque per duos ciuium nobilissimos,  
rex Hectoris Siluariae animum requisivit, quid nam  
vellet, quidve facere proponeret, Hector, misso eti-  
am munere quo regem intellexit gauisurum, re-  
spodit, se missum a Nonio Cugna duce Indiae ma-  
ximo designato, in ipsius regis auxilium contra Ro-  
maeos & Turcas, quoniam rescisset ipsum ab illis  
oppugnari, Siquidem Rhomæi X, triremibus,  
actuariis nauibus & gaulis XL, improviso Ade-  
nam obsederant mari, terra vero equitatu & pe-  
ditatu maximo, copiis videlicet auxiliaribus, Nam  
ipsi Rhomæi DC, erant, plus minus, Durauit ob-  
sidio menses quinque, Oppugnabat quotidie ma-  
ri præ



## REBUS INDIAE

ri præcipue, atq; adeo terra, exstructo in modum  
muri tabulato cōtextis trabibus, ad exteriorē cis-  
ternam, & tormētis conlocatis, quorū quatuor e-  
rant basilisci, tormentorū omnium genus impetu  
osissimū, quibus murū totum ea parte diruerant,  
propeq; expugnauerant urbem, nisi defēsa per-  
tinacissime fuisset, At vt rescitum est classem nos-  
strā aduentare, Rhomæi obsidiōe leuata discesse-  
runt, desideratis ex ipsis CC, præter eos qui ex au-  
xiliis mortui sunt, Ciuium tere turba pauperior  
fame & siti periit, Addebat etiam Hector, se ma-  
iorem classem duxisse, verū quia in insula Zoco-  
tora leuatam audiisset obsidionem, partē classis  
alio cum prædis misisse. Nūc si ipse rex vellet pa-  
rere & soluere honestū aliquod tributum Lusita-  
norū regi, vt & alii reges Indiæ, p certo haberet  
se semper a Lusitanis contra Rhomæos, & Tur-  
cas, aut quamcūq; aliam nationem, tutandū, Ad  
hæc rex, Dicite, inquit, Hectori, me dignum me-  
met arbitrari cui gratia habeat, quod bellū su-  
stineam cōtra Rhomæos non tã mihi, q̃ ipsis Lu-  
sitanis infestos, Rhomæos hoc agere, vt aut ami-  
citia, aut vi Adena potiant, vnde tuto in Indiam  
nauigare possint, tutariq; cōtra Lusitanos mare  
rubrū, Quare satis supq; erat me cū Rhomæis,  
& Tur



EPISTOLA DE

& Turcis amicitia nolle, interdicare illis vrbe & regno meo, at Lusitanorū cupere amicitia & societatē, ne etiā parere & soluere tributū exigat. Cui cōtra respōdit Hector, illud esse verissimū, Rhomæos conari illac irrumpere in Indiā contra nostram voluntatem, idq; adeo Venetos & Turcas eniti maxime. Verū si a Lusitanis iā omnino perfligati & destructi non erant, in caussa esse, nusq; certo loco eosdē inueniri. Quod si Adena in Lusitanorum esset arbitrio, haud dubiū, quin aut perfligarentur, aut penitus Indicā contentionē relinquerent, quū nullibi certius q̄ ad angustias eius maris intercipi possent. Ideoq; ipse videret, & sibi consuleret, quodq; optimū factu iudicaret, maturius eligeret. Hæc & similia respōdente Hectore, additis blande minis, & iterum iterūq; nūciis hinc inde cōmeantibus, adqueiuit rex, vt pareret Lusitanorū regi, solueretq; quotannis, iure tributū Seraphinorū decem milia ponderis & valoris Ormuzii, quæ regia vrbs est, cognominis insulæ inter sinus p̄fici angustias. Ea summa latina supputatione quingenta facit sestertia. Gratis etiam dedit statim Seraphinos mille quingētos, id est, sestertia LXXV. vt Ormuzii ex puriori auro fieret corona, quā regi Lusitaniæ mittit in symbolum.



## REBUS INDIAE

lum amicitiae & obedientiae. Scriptae super ea re sunt tabulae, subscribentibus rege & Hectore Siluaria, quuius exemplū Nonius Cugna ad regem Lusitaniae misit. Id ad nos perlatum non est. His ita se habentibus, rex Xaerii scripsit ad Hectorē, ne grauaretur regnū ipsius adcedere, quod est in exteriorē flexu Arabici sinus in regione Homeritarum, iuxta Ptolomaei traditionē, se pariturum Lusitanorum regi, & pensurū tributum ut cōstitueret, daturum praeterea quidquid tormentorum aeneorū Xaerii & Dopharii haberet. Profectus igitur Hector, petere rege, ibi liburnicam vnā reliquit cū triginta viris Lusitanis. Quae finita hyeme Cananorium adplicuit cum literis regis ad Nonium Cugnam, quibus nunciabat Rhomaeos post Adenēsem obsidionē partim reuersos Iudam, quae est circa Mecham in intimo Elanitis, siue Arabici sinus recessu. partim & plurius, quum reuerti Iudam non auderent, obsciso proditorie duce a Turca designato, Zebiben addiisse, oppidum in continenti. Sic eorum lingua, ab vuis passis, quibus abundat, ficto nomine. atq; ex his nonnullos obscisos in itinere ab incolis terrae illius. Nā eorū deprædationibus fatigati incolae, summo eos odio psequiebantur. Horū præcipuos



# EPISTOLA DE

cipuos Muscophaaū, Soscum, Reīsolemanū, &  
 Zopharem thesaurariū eius, adiisse Camarū ins-  
 sulā in interiori sinu, pcul ab angustis, & ibi ad-  
 cepisse eos nunciū magni Turcæ exigētis omnia  
 tormenta ænea, & tricenta ducatorū milia, id est,  
 centies vicies sestertium, quæ ab ipso adceperāt  
 ad bellum Lusitanis inferendum. Quod nisi face-  
 rent, nusq̃ euasuros minabat̃, quin vltimum lue-  
 rent supplicium. Ipsos vero nūcio hoc interfecto  
 XXX. milia, hoc est sestertia mille ducenta. mis-  
 sisse Cairi gubernatori, quo intercedente recon-  
 ciliarentur Turcæ. Cepisse quoq; ad XXVI. na-  
 uigia mercatorū, quæ ab India Mecham nauigas-  
 bant, quibus imposuerint magnū tormentorum  
 numerum, quorū multi erāt basilisci. Verum ad  
 egressum angustiarū rubri maris periisse illis na-  
 uem, in qua maior bombardarū pars vehebat̃, &  
 inde pfectos versus Indiam. Atq; hæc quidē rex  
 ad Nonium scribebat. Cæterum liburnica, illos  
 circa Xaerū litus inuenit gyris & flexibus cōten-  
 dentes p montorium superare, resistente vento.  
 Quin vt cōtinui flabant subsolani, & vulturni,  
 eo anno minime Diū adnare possent. Idē quoq;  
 retulit Hector Siluæria qui orā Diī ad finē vsq;  
 mensis septembris præter nauigauerat expectās  
 illos



illos. Proponebant hyemare Xaerii, quamuis dubiū num facerent, rege nostram amicitia expetente. Quod si phiberent, lecta ora Aethiopie Mombazam cōtenderent. Quædam tamē nauis cum centum ex illis, Cābaia adpulit mense Augusto, nec ī vrbe Dio recepti sunt, vt retulit Iudeus quidam, quem Nonius ad explorandā Diū miserat. Iubebat illos rex Cābaia ire Surrate. Quin alii fere CC, quos rex fecerat prætorianos milites defecerunt ad regem Maiuliū. Sunt autē Maiules, gens Tartarorū, a Persidis cōfinio, per Gedrosos, & Arachosios efusi, viri bellicosi nimis, & qui regnum Sindæ expugnauerint, quod inter ipsos & Cambaiā omniū regionis eius est maximū. Persuadunt iam Cambaie regnū paulatim. Atq; vno prælio, militū regis Cambaia XXX milia cōfecerūt. Qui ppter ea tristis & perterritus est, quū præcipue Rezbutii Maiulibus iūgatur. Id si fiat, non longo tempore regnū Cambaia expugnabunt. Cæterū vt ad Lusitanos redeat oratio, Hector Siluæria quū pficisceret a Mete, vt ante dictū est, classē cū prædis iusserat ire Mascaten, relicta ibi liburnica vna cū naui quadā ex captis. Quod vt Rhomæi rescuerūt, mittunt illuc triremem cū viris XXX Rhomæis, sclopetariis, & sagittariis, & Arabibus decē. Nostroz quindecim,

D. qui



qui in liburnica erant, cōspicātī trirēmē pcul, pu  
tātesq; esse ex nostris quāpiā, egrediuntē ad illos.  
At cognito errore, se cōparāt ad plū, iactis utrīq;  
vncis. Præliatū est tot horis, quoad utrīsq; sublas  
to signo ad halitū recipiēdū quiescere placuit. De  
inde instaurato prælio, trirēmis capta est, viri oēs  
obcisi, pter Lusitanū quendā cognomine Boccar  
rū, q a Christiana religiōe ad ipsos Turcas defece  
rat. Hic in vndas desiliēs clamore maximo serua  
ri flagitabat, qā Christianus esset. Ductus est Go  
am, luiturus capite suppliciū publice. Ex nostris  
desiderati duo, cæteri oēs vulnerati euaserūt. Cō  
gregata itaq; classe apud Mascatē, vt cōuenerat,  
Hector Cananoriū reuersus est. Dedit in ærariū  
regis Lusitanorū ex pdis XXXII, milia numū au  
reorū, quos Indi pardaos vocāt, ad latinā rationē,  
duodecies sestertiū. Vrbis Diū, vt scribit Nonius,  
in sua manet fortitudine & supbia, secura Lusita  
norū, quos nō credit cōmissuros, vt se oppugnent.  
Atq; adeo hæc cōfidētia Nonio placet, datq; ope  
rā prudēs vt securior sit, quo incautā inuadat.  
Habes Cōrade Godleni sūmā rei totius, si minus  
latine aut ordinate, tuū erit boni cōsulere quādo  
& exēplū ipsū epistolę minus adhuc ordinē serua  
bat. Et ī re mihi male cōpta, seriē narratiōis maio  
ri ordine texere nō potui. Cæterū orōem ybi hæc  
sub



subiecero, cludā. Quū hęc iā, vt petiueras, scripta  
ad te deferre meditarer, cōmodū lris Martini Fer  
rariæ mei, adulescētis bene eruditi, mireq; cādidi,  
quuius patruus ī Belgica Lusitanæ præest negoti  
atiōi, sū factus certior, delatas ab Alexādreia lras  
ad ipsum negotiatiōis p̄fectū, qbus nūciat Lusita  
nos absolute regē ī India potiri, CC. nauib. mare  
vltro citroq; puadere, Turcæ copias male ibi mul  
tatas, illiusq; tyrānidē tota India depulsā, ideoq;  
suspiciari Diū a nris expugnatā, certo tñ nescire.  
Lusitanū nomē Turcis esse capitaliter odiosū. Ip  
sorū tyrānū, q rumor hęc etiā creber est, ad halce  
vindicādas iniurias, sibi a nostrishoib. inlatas, fes  
stinare, atq; adeo cū Pānoniis, ob id pactas induci  
as. Id si verū est, nescio me hercules, qñ opportuni  
us Chriani principes, si religiōi deesse nolint, eccle  
siæ ruinas vindicarēt. Nā hostē plurib. locis īpeti  
tū, nemini dubiū est īfirmiorē multo, q fuerit huc  
vsq; futurū. Atq; vtinā Europa tumultibus his, &  
intestinis dissidiis in melius cōpositis, tā illū ad se  
colligēdā respiraret, spes erat rēpub. ex cōlapsa re  
stitutū iri, eaq; vulnera curari posse, quę nup adce  
pta maiori cū dolore recordamur. Nā spē recupe  
rādī Græcorū, ne iā Asiæ, Libyæq; dicā, īperiū, re  
gū aliorū in alios inuidia, & regū iter se publ. discor  
dię, mihioīo ademerūt. Sed hęc, ad musarū cādida  
tos nihil. Vale. Louaniū XI. cal. Iul. M. D. XXXII



**Q**uoniā non nihil chartæ supererat, amice le-  
ctor, addidimus ex poemario nostro aliquādo p-  
dituro in lucem, siluulas hæc duas, scriptas nuz-  
per ad Henemannum Rhodiū, præpositū Ri-  
gensem, oratorēq; ad Cæsarem, Liuiensis  
Archiepiscopi,

Resendius Lusitanus Henemāno  
Rhodio,

Quid non longa dies mutat? & orbita  
Seclorum, toties axe volubili?  
Effectumve labor non dedit improbus?  
Virtusq; æmula gloriæ?

Heic olim fuerant arua feracia,  
Quo nunc nauisfragum flabra agitant fretum,  
Impressu heic rigidi vomeris ingemit  
Bos, quo puppis arauerat,

Sic quondam eloquio Græcia nobilis,  
Nunc sub barbarici seruitii iugo,  
Atq; heu propudium, pressa tyrannide,  
Linguae dedidicit decus,

Contra, præteritis barbara seculis  
Quæ tellus fuerat, se assidue polit.  
Sic titillat honor, sic stimulum & facem  
Vincendi studium iniicit,

Atq;



Atq; vt ne memorem quas poteram plagas,  
Quis iam Sarmatiam, vel Scythiam audeat  
Terram vaniloquus dicere barbaram,  
Quæ te docte Rhodi tulit?  
Quæ te docte Rhodi, te tulit, eu nimis  
Plectentem facili carmina barbito,  
Quo nec blandius, aut ora Propertius,  
Aut Naso ipse resolveret,  
Inunc multifidum Danubium Tybri  
Aude spernere, te vincit vt amnibus  
Sex denis bibitis, sic Rhodio edito  
It par, aut sequitur prope.

¶ Eodem

Sulmonis gelidi exulem quum alumnum  
Fleret Calliope Latina, harenis  
Sepultum in Geticis, vagos per Histri  
Mæandros Scythici, graui querela  
Dixit, barbara terra & ominosa,  
Redde heu, redde meum mihi, querentem  
Ipse amnis fluuio audit sub imo,  
Caputq; exeruit virente fronde  
Præcinctum salicum, manuq; barba  
Rorantem fluuium exprimens ab vda,  
Quid nymphe toties, quid innocentem

Incus

16  
Inculcas patriam hanc, ait: nec ista  
Quem defles, tibi sustulit, magisque  
Dilexit. series iniqua fati,  
Atque illum heic Atropos nocens peremit.  
Sed ne fle dea pulchra, neue ocellos  
Hos corrumpere, dabit tibi poetam  
Tellus hæc similem, & parem priori.  
Sic fatus senior, caput sub undas  
Immersit gelidas, Recepit omen.  
Et post secula quindecim peracta,  
Quum promissa reposceretur amnis,  
En Musæ Rhodium dedit poetam.  
Amplexa est dea, & hoc superstiti, inquit,  
Nihil iam Scythiæ horreo pruinas.

¶ Henemannus Rhodius Urbindagineus  
Resendit Lusitano suo.

Docte cliens Phœbi, doctarum cura sororum,  
Nobile Pieria nomen adepte tuba,  
Et decus, & celebris laudatæ gloria terræ,  
Qua Tagus auriferas eiacularur aquas,  
Et qua pernices pia parturit aura caballos,  
Et bellatores sæpe creauit equos.  
Quid te barbaricū super æthera ferre poetā,  
Et iuuat in laudes soluere vela meas?

Bar.



21  
Barbara, si nescis, Liuonia patria nostra est,  
Qua stupet ad scythicas noster Apollo niues,  
Et iacet Euxini despectus ad hostia Ponti,  
Vnde tulit sacram dux Pagasæus ouem,  
Non ego Nasonis de verticeserta reuulsi  
Laurea, nec sacris me dea tinxit aquis,  
Nec sedet ad nostras cū fronde Propertius aras,  
Cessurus musis docte poeta meis,  
Sed tibi cōueniūt, cui iā noua fama parata est,  
Non mihi, quæ Rhodio fingis inesse tuo,  
Tolle tuas laudes, nos victi lampada cursu  
Tradimus, Aeoliæ fama secunda lyræ,  
Dū mea thura ferent, tua pumice rafa legentur  
Carmina, Pieriis grata futura viris,


F I N I S

*[Faint, illegible handwriting, likely bleed-through from the reverse side of the page.]*

*[Faint, illegible handwriting, likely bleed-through from the reverse side of the page.]*























C531  
R433e



